

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 451505 23 St
Tuzla, 05.01.2024. godine

Općinski sud u Tuzli, stečajni sudija Vedran Milašinović, u postupku prethodnog ispitivanja prijedloga za otvaranje stečajnog postupka nad dužnikom „GRADAČAČKI SAJAM“ d.o.o. za priređivanje sajмова i izložbi Gradačac, ul. H.K. Gradašćevića bb, PRESTANAK, po prijedlogu predlagača Grad Gradačac, zastupan po zastupniku po zakonu Gradskom pravobranilaštvu Gradačac, dana 05.01.2024. godine donio je sljedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika „GRADAČAČKI SAJAM“ d.o.o. za priređivanje sajмова i izložbi Gradačac, ul. H.K. Gradašćevića bb, PRESTANAK.

Za privremenog stečajnog upravnika imenuje se Senad Uzunić iz Tuzle, ulica Izeta Sarajlića 5C.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu i Službi za geodetske i imovinsko-pravne poslove Grada Gradačaca, radi upisa zabilježbe otvaranja prethodnog postupka.

Obrazloženje

Predlagač Grad Gradačac, kojeg zastupa zastupnik po zakonu Gradsko pravobranilaštvo Gradačac, podnio je ovom sudu dana 29.08.2023. godine, prijedlog za otvaranje stečajnog postupka nad stečajnim dužnikom „GRADAČAČKI SAJAM“ d.o.o. Gradačac, ul. H.K. Gradašćevića bb, iz razloga platežne nesposobnosti dužnika.

Predlagač je prijedlog podnio u svojstvu povjerioca društva nad kojim se predlaže otvaranje stečaja, navodeći u prijedlogu da prema društvu ima potraživanja utvrđena pravosnažnim i izvršnim presudama čija je visina glavnog duga 331.596,00 KM, kao i potraživanje dosuđeno nepravosnažnom (prvostepenom) presudom u iznosu od 265.660,00 KM, dakle u ukupnom iznosu glavnog duga od 597.256,00 KM, a koje presude su navedene u prijedlogu, te primjerci presuda dostavljeni u prilogu prijedloga. Povjerilac je radi naplate potraživanja prema pravosnažnim i izvršnim presudama pokrenuo izvršne postupke, u kojima je naplaćen iznos od 8.133,31 KM, dok su u preostalom dijelu potraživanja ostala nenamirena. Bankovni računi dužnika su blokirani od 2022. godine, što je vidljivo iz obavještenja banaka koja su povjeriocu kao tražiocu izvršenja dostavljena u izvršnim postupcima, a takođe i iz izvoda iz registra računa Centralne Banke BiH koji je dostavljen uz prijedlog.

Rješenjem ovog suda broj: 032-0-0-Reg-21-000108 od 28.01.2021. godine u sudskom registru je upisan prestanak dužnika.

Takođe, predlagač i dužnik su vodili parnični postupak koji je okončan presudom ovog suda broj: 32 0 Ps 261548 16 Ps od 04.11.2016. godine, koja je potvrđena presudom Kantonalnog suda u Tuzli broj: 32 0 Ps 261548 16 Pž od 21.01.2021. godine, a kojom je dužnik obavezan da predlagaču preda u posjed objekat sportske dvorane u Gradačcu koji je korišten bez pravnog osnova, a koji je predlagaču predat u posjed u martu 2021. godine.

Dana 05.12.2023. godine sud je održao ročište na kojem je zastupnik po zakonu predlagača izjavio da ostaje kod prijedloga, svih navoda i priloženih dokaza, dok je zastupnik dužnika izjavio da dužnik ne obavlja djelatnost već duži vremenski period, da je predao u posjed Gradu Gradačac nepokretnosti koja je bila predmetom parničnog postupka-sportsku dvoranu sa zemljištem, da dužnik nema novčanih sredstava iz kojih bi se eventualno finansirali troškovi stečaja slijedom čega niti je saglasan a niti se protivi prijedlogu za otvaranje stečaja.

Odredbama člana 58 Zakona o stečaju („Sl. novine F BiH“, br.53/2021. u daljem tekstu Zakon o stečaju) je propisano da su Za podnošenje prijedloga za otvaranje stečajnog postupka ovlašteni stečajni dužnik i svaki povjerilac koji ima pravni interes za provođenje stečajnog postupka (stav 1), a da je povjerilac dužan u prijedlogu za otvaranje stečajnog postupka, prilažanjem odgovarajuće dokumentacije, učiniti vjerovatnim svoje potraživanje i platežnu nesposobnost stečajnog dužnika, te da će se smatrati da je povjerilac učinio vjerovatnim postojanje svoga potraživanja ako njegovo postojanje zasniva na izvršnoj ispravi ili na nepravomoćnoj sudskoj ili upravnoj odluci.

Imajući u vidu da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju), da je isti dopušten, te da iz dokaza dostavljenih uz prijedlog i navoda datih na ročištu proizilazi da je učinjeno vjerovatnim potraživanje predlagača i platežna nesposobnost dužnika, s obzirom da su potraživanja predlagača utvrđena izvršnim sudskim presudama i jednom nepravosnažnom presudom i da su računi dužnika duži vremenski period blokiranim, rješenjem od

05.12.2023. godine sud je naložio predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач je dana 25.12.2023. godine dostavio sudu dokaz o uplati predujmljenih sredstava za finansiranje prethodnog postupka u iznosu od 5.000,00 KM.

Iz svega navedenog proizilazi da društvo trenutno nije u mogućnosti izvršavati svoje dospjele i potraživane obaveze plaćanja, odnosno da su svi računi društva blokirani u periodu dužem od 60 dana. Konačno stanje u pogledu eventualno drugih obaveza, stanja imovina iz koje bi se eventualno mogli namiriti troškovi i stečajni povjerioci, kao i status postupaka u kojima je dužnik stranka, bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o provedenom prethodnom postupku sa nalazom i mišljenjem o postojanju razloga za otvaranje stečajnog postupka, slijedom čega je doneseno rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61 stav 1 Zakona o stečaju.

Odluka iz stava 3 ovog rješenja donesena je temeljem odredbe člana 63 Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71 Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU:

Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalba se podnosi Kantonalnom sudu u Tuzli putem ovog Suda.